

Zeitschrift: Nebelspalter : das Humor- und Satire-Magazin
Band: 112 (1986)
Heft: 7

Rubrik: Miini Mainig

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 07.08.2025

ETH-Bibliothek Zürich, E-Periodica, <https://www.e-periodica.ch>

Miini Mainig



Mit da Wahla vu da bündnerische Regierigs- und Khantoonsrööt häts schu sit aalta Zita allerlai Khalamitääta ggee. Am Aafang vum laufanda Johrhundert hend no nuu zwai Parteja dominiert. Wie ma miar varzellt hät, sej an ennatergische Regierigsroot maischtans bitrunga in dSitziga khoos. Dua hej an Kholleg gsait, mit däm welli är nümma varhandla, und asoo hejant di Bschlüss de khai Gültigkheit mee khaa. A bitz varknöharat sint dia aalta Rootsherra schu afaanga gsii, und ds Volgg hej dua aafanga murra. Bi dr *Neua Bündnerzeitig* häts dua asoo a Scharfmahher vuna-ma Redaggr khaa, und där hät öppa im Jahr nünzehahundertnünzeha an Uufuof argoo loo zur Gründig vun-a-ra Demokhratische Partej, wo dua au zschtant khoos isch. Das isch grundsätzli nit schwirig gsi, wil är si an alli Lehrer und Pfarrer im Khantoon gwendat hät, und dr Erfolg nit uusbliiba isch. Dia Zitig hät eba wituus di grööscht Uufslaag khaa. Au viil Puura hend mitgmacht, wil dZita schlächt gsi sint und nit fortschrittli regiert khoos isch.

Bi da nööchscha Waahla isch dua dr Grossroot ds rainscha Lehrerparlament gsi. Ii han siher nüt geega dLehrer, abr wenn aina amool a paar Jahr gschualmaischarat hät, föühlt är si de quasi als Allaiherrscher und hät maischtans a bitz an anderi Lääbesuuffassig as anderi Pruaflüt.

Asoo an Lehrer hej de im Root bi jedem Traktandum immer ds Wort argriffa und driigreedat, bis a Regierigsroot amool gsait hej: «Dr Herrgott weiss alles, abr dr Lehrer F. weiss alles besser.» D Regierigsrööt sint untr sich au

nit ainig gsi, und wo dua asoo a radikhala Rootsherr nümma im Amt gsi sej, wils nu für nüün Johr gwählt khoos hent khönna, hej an Grossroot gfroogt: «Isch der Regierung bekhannt, ob alt Regierungsroot R. noch läbt und wenn jaa, was gedenkt sii dageegen zu tun.»

Bi dr letscha Olma-Usschtellig hät an amtieranda Regierigsroot gsait: «A bitz aigasinnig sejant miar schu, abr sus sejant miar tüchtig!» – Gwandti Reedner häts in Graubünda seelta khaa, so dass a Regierigsroot bi dr Aabdangig vum bekhannta Minischtr von Planta-Rüchenau gsait hät: «Mit einer Träne in der Hand und dem Hut im Auge, stehn wir hier am Grabe eines berühmten Mannes.»

Währant da Kriagsjohr isch dr Fortschritt bi üüs wie schtillogschtanda; abr dr Varwaltigsapparat hents uufpauuscht und mit da Schtüüra sint asoo ufa, dass as für da Mittelschtand fascht unerträgli khoos isch.


Im Khantoon Wallis hends zur gliihha Zit dSchtrooss vu zoverscht bis zunderscht uusbout, und us am Rhonetal hents da grööscht Fruchtgaarta gmacht. Das hent si zum grossa Tail dam bekhannta Schtänderoot Troillet zvardanga khaa. Wen miar nuu au asoo an ainziga fortschrittlihha Maa am Ruadr khaa hetant, wärant miar mit dam Schtroossabau nit asoo in Varzug khoos.

DSozialischa hent bi üüs im Grossa Root khai wichtigi Rolla gschpilt, abr amool isch as ina de glich gglunga, a Regierigsroot zschtellta. Nit grad a guati Figur hät in da letscha Jahr aina gmacht, wo schu zum Regierigsroot gwählt gsi isch, wil är si fälschliharwiis as Dokter usgeege hät, und de zruggrätta hät müassa. Miar sint den abr vum Rääga in dTrauffi ggroota, wil dr Noohfolger lut Zitigmäldiga si vorhär mit dam Uusvarkauf vu dr Hai-mat bischäftigat khaa hät.

Ma sait, jedas Land hej dia Regierig, wos vardiant, und miar went hoffa, dass alli Püntner in Zuakhunft a bitz besser ufasant, weli Liischta si in dUrna leggant. *dr Hansli*

**HOTEL I
KREUZ *** 
BERN **

*komplett erneuert und modernisiert
Erstklass-Komfort zu
Mittelklass-Preisen!
170 Betten, ruhige Zentrums-
lage, nächst Bahnhof und
Metro-Parkhaus
Zeughausgasse 41/
Waisenhausplatz
Tel. 031/22 11 62, Telex 32576
Inh. Albert Fankhauser*



Denkzettel

von Winfried Hönes

Trotz allen Fortschritts in den Wissenschaften greift man immer wieder gern auf die alten Hausmittel zurück.
Wenn es gilt, ungebärdige Kinder zu verdreschen.

In der Kirche wie in der Politik: Hauptsache, man kennt den Refrain.

Wer viel redet, hat nichts zu sagen.

Sein Kind fordern – sein Kind fördern.

Von einer gewissen Gehaltsstufe an zeigen manche Leute ihr wahres Gesicht.

Wer überlebt, bleibt im Recht.

Der Weisheit letzter Trugschluss.

Sie arbeitete und arbeitete und arbeitete. Er war erschöpft vom Zuschauen.

Der Krieg ist ausgebrochen. Aus dem Frieden.

Manche Leute erheben ihre Arroganz zum Beruf.